

舊志整理叢書

# 鎮遠府志

貴州省鎮遠縣地方志編纂委員會編

中州古籍出版社

舊志整理叢書

# 鎮遠府志

貴州省鎮遠縣地方志編纂委員會編

中州古籍出版社

鎮遠府志

責任編輯 王 月

中州古籍出版社出版（鄭州市農業路七三號）

河南省鄭州信息工程所制版承印

七八七×一〇九二毫米 十六開本 五七·七五印張 一一三一千字

一九九六年十二月第一版 一九九六年十二月第一次印刷

印數 一—三〇〇〇冊

ISBN7-5348-1522-3/K·560

定價：一二八元

# 前言

《鎮遠府志》的整理，是遵照中國地方志指導小組《關於開展地方志整理工作問題的決定》及在全國舊方志整理工作會議精神指導下進行的。我們整理出版的目的，是批判地繼承舊志中蘊藏的文獻資料精華，貫徹「古為今用」的方針，使其為社會主義物質文明和精神文明建設發揮社會效用。

鎮遠府，地處黔東，歷史悠久。從漢高祖五年屬無陽縣起，至明、清建州置府，直到廢府改道的兩千多年歷史長河中，它一直是黔東政治、經濟、文化、交通中心和兵家必爭之地。素有「湘黔咽喉」、「滇黔鎖鑰」、「水陸要衝」、「商賈輻輳」的殊譽。更兼以名剎古寺，宮殿園林，秀山勝水，物產豐富，氣候宜人的得天獨厚特點，堪稱「西南一大都會」。這裏的歷代各族人民，勤勞勇敢，為這片熱土的開墾、發展、建設，頑強拼搏，寫下了可歌可泣的歷史篇章。

整理出版的《鎮遠府志》，包括沿革、疆域、山川、物產、城池、軍制、人物、藝文等二十四卷，是先賢遺留下來的豐富文化遺產，是考證鎮遠府屬夏、商以來直至清末的歷史、地理、政治、經濟、文化、社會、軍事、民族等問題的寶貴資料，是資治育人的好教材。它為考證和開發歷史文化名城鎮遠，起着「補史之缺，參史之誤，詳史之略，續史之無」的重要作用。它將為黔東及我縣國民經濟持續、快速、健康發展，民族團結，社會穩定和各項事業蓬勃發展，具有其重要的現實意義和深遠的歷史意義。

整理該書，是一項浩繁的文字工程。它是在舊志（抄本）的基礎上進行了點校、考證、糾誤和補充，客觀地記載了鎮遠府兩千多年的興衰演變過程。它的出版，蘊筆耕者的良苦用心和奉獻，含支持和關注者的拳拳赤誠。是衆手澆鑄的瑰寶，是集體智慧的結晶。我們謹向為之付出辛勤勞動，給予支持和關注該書出版的社會各界仁人志士表示由衷的感謝。

「治天下者，以史為鑒。治郡國者，以志為鑒」。要想政通人和，百業俱興，「治縣良策」，據何而來？志為鏡，攬照古今。我們願和全縣人民共勉，讓我們都來重視它，研究它，利用它，為鎮遠的改革開放，經濟繁榮，為人民富裕幸福和社會的長治久安，而團結奮進！

中共鎮遠縣委員會書記 許德璋

鎮遠縣人民政府代縣長 楊猷光

一九九五年十二月六日

## 說明

一、本書包括清乾隆《鎮遠府志》、《鎮遠府志》（新編本）、《鎮遠府志·前事志》。

### 二、點校

（一）、《鎮遠府志》二十八卷，清乾隆五十四年（公元一七八九年）知府蔡宗建主修，龔傳紳等纂修，歷時三年，書成付梓。現據貴州省圖書館一九六五年復制南京圖書館藏本的版本點校。

（二）、對原志中明顯的錯別字，直接改正；對存疑的字詞，保留原文，將擬改的字詞，注入括號「（ ）」內；對缺文，加方框「□」補之。原志人物在不同卷中有重複記述，仍舊不動。

（三）、志中插圖，均照原樣復制後，分別擱置原位。

（四）、志中對少數民族的貶辱、歷史偏見和其他觀點的錯誤，為保存原貌，以供研究，不加糾駁。

（五）、原書係繁體字，直排，無標點。點校後，標點斷句，仍為繁體字豎排。

### 三、新編本

（一）、資料來源：清乾隆《鎮遠府志》、民國時期《鎮遠府志》（手稿）以及建國後所徵集的史料。

（二）、時限：上溯有史以來，下迄清末。其間某些史料，由於年代久遠，文獻難徵，斷限難求一致。

（三）、新編本「人物」在不同卷中仍有重複記述。

（四）、書中仍有對少數民族的貶辱、歷史偏見和其他錯誤觀點，為保存原貌，以供研究，亦不予糾駁。

（五）、書中干支紀年之後，注明公元年號。

（六）、為全書統一，新編本仍為繁體字、直排。

（七）、插入原鎮遠府屬中名勝風光、文物、民族風情等彩照。

（八）、新編本為二十四卷。

# 鎮遠府志序

## 序（一）

自唐元和時，郡國皆有志，而天下之操觚者樂爲之，考其山川風土以備掌故，俾後之文獻有足徵焉。黔地僻在荒服，雜處苗夷，兩漢以來，類皆羈縻勿絕。郡縣之置，始於明初。其先，太史之輶軒不到，皇華之諷度無聞。何鏗《遊名山記》獨於黔等諸自檜，近時海內所得見者，郭青螺《黔記》、田蒙齋《黔書》而外，寥寥不數觀。余昔從征緬甸，抵鎮遠，見其山川雄峻，據沅、湘之上游，當滇、黔之孔道，爲西南一大都會。其間溪流之峭急，民苗之萃集，凡余蹤跡所經九州形勝之地，鎮遠實居一焉。夫山水峭急，則物產不能豐；民苗雜處，則訟獄不得息。官斯土者，皆簿書鞅掌之不暇，又何暇搜葺舊聞，網羅放失，以成一郡外史、小史之遺篇乎？

今秋，余自山右荷蒙聖恩，移節黔中，入獎州之域。縱觀山林蓊鬱，園廛繡錯，恍若舊遊，而蕃庶過之。太守蔡君，素以能吏擢守是邦，庶事畢舉，尤以郡無舊志爲亟。公餘，輒延訪郡之耆宿與屬邑之圖籍，搜討掇拾，考古證今，大率以建置沿革、山川道里爲綱，而附以風俗、物產、官師、選舉，以迄奇人魁士、名篇偉製，鮮或遺焉。書成，乞序於余。按閱其書，而志蔡君爲能得政之要也。抑余聞之，鎮遠自唐中葉，後迄元初，沒於蠻獠者幾八百年，故其風俗獷悍，法令捍格，越界侵田，忿爭鬭訟，較他州爲甚。國朝平九股生苗後，特設丞倅分治其地，承平數百年，狎、苗等諸齊民、商賈，往來熙攘。我皇上天下一家，視邊圉猶腹里。而猶時時以綏戢苗民爲訓誡，則余與蔡君又將何以除積習而化其蠻風，與茲書並垂永久？固不僅山川道里諸事宜足以備掌故、資文獻而已，蔡君勉乎哉！

時乾隆五十七年，歲在壬子嘉平月，兵部侍郎兼都察院右副都御史、巡撫、貴州等處地方提督軍務兼理糧餉 嘉興馮光熊序。

## 序（二）

志，即史之一體，作者蓋曩曩乎難之矣！而郡縣之志又與通志異。通志言一省，貴乎簡；而該郡志言一郡所屬，貴乎詳而確，非徒備掌故也。且使居是邦，遊是邦者讀之，身之所處，耳聞目見，按籍而稽某地、某事、某言，果不異志所載也；某門、某類、某條，今何殊志所云也，則是非得失之故曉然。必有以興起從善之心，堅其從善之力，大而禮樂兵戎，小而日用飲食，靡不凜凜焉。敬慎講求，歸於實際，德行、言論、政事、文學，胥可於此求而得之。

黔省下游多割楚南、粵西、蜀東地附益，《通志》已極詳明，而各郡有志者鮮。鎮遠爲溪洞舊地，滇黔門戶，下接辰、沅，其建置沿革、山川形勢、學校、官師、人物之盛衰賢否，與夫風俗殊致，物產異宜，非有志何以按今稽古？而上之人所以施治，下之人所以承化者，不幾無所據哉！

郡伯玉沙蔡公，以賢能遷守此土，振學興文，黜浮崇實，鋤強右良，美政畢具，澠陽士民化之。顧猶以爲善始必當善終，暫行不如勿壞。念鎮之舊志遺失久，慨然創修之，乃與龔孝廉伯書諸君子，按《通志》，並網羅殘缺，搜抉舊聞，編爲是書。分爲二十一門，首疆域而以方外終，序次具有深意，體裁一根史例。志疆域則古今分屬，援引考據必得其實；志關梁則道路攸往，防兵多寡必詳其地與數。名宦之未經請入者，附載而不缺；鄉賢之未經請入者，附志於人物。而考辨夜郎、且蘭、牂牁、清江等處，則地界分曉，水道詳明。論列習尚數條，則切中弊流之所至。而默寓戒約之微衷，凡所以維風俗、正人心，謹備豫，尤爲切至。是非真能以實心行實政者，不易爲也。吾願居是邦、遊是邦者之於是書，勿徒作志書觀也。

時按試鎮陽，公書適成，請觀競編，因書於後。

乾隆庚戌冬至日，欽命提督貴州學政、內閣中書兼翰林院檢討。

陸 湘撰

## 序（三）

貴州一隅，前人視爲荆梁南境外荒裔之地，是以志方輿及山水者皆不及焉。然『郡曰牂牁，縣曰且蘭』（見《漢書》及桑欽《水經》、許慎《字詁》），『水曰無水』（見班固志《地理》及酈元注《水經》），尚非蒙蠻諸蠻地所能比也。予好爲地理之學，今年冬，奉命視學黔中，自常德以南，即沿無水行抵鎮遠，見其山水回互，地形高下，以爲當去故且蘭不遠，迨檢諸地志，悉無與我合者，心竊疑之。

適太守監利蔡君創修《鎮遠府志》成，舉以示余。其條分縷析，星羅棋布，以爲獨爲其難。既又讀其夜郎、牂牁、且蘭等考辨，而歎蔡君之精於地理，實有先獲我心者焉。余亦何以序之？亦惟舉余之與蔡君合者，還以質之蔡君而已。

蓋欲知牂牁郡所在，必當以故且蘭爲證。《漢書·地理志》及《續漢郡國志》，牂牁郡皆首列故且蘭。司馬彪云：『凡縣名先書者，郡所治也。』前漢雖不言牂牁郡治何所，亦當治且蘭可知，此一證也。欲知故且蘭所在，又當以沅水爲證。《地理志》『故且蘭』下，班固原註云：『沅水東北至益陽，入江過郡，二行三千五百三十里。』若沿舊志，以遵義爲且蘭，而以烏江爲牂牁江，今考遵義諸水，通流他處者凡四：湘江、洪江、仁江，則皆注烏江者也，烏江則合三江北流入涪水者也，與沅水相距甚遠，則不得以遵義爲且蘭明矣。此二證也。《漢書·西南夷傳》：『始楚威王時，使將軍莊蹻將兵循江上。』師古曰：『緣江而上也。』是由江入沅，由沅入無可知。《後漢書·西南夷傳》則並云：『遣將莊豪從沅水伐夜郎』，則語更明顯可證，非從涪水矣。此三證也。《水經》云：『沅水出牂牁故且蘭縣爲旁溝水，又東至鐔成縣爲沅水，東過無陽縣。』而酈注則云：『無水出故且蘭，南流至無陽故縣，又東南入沅，爲之無水。』一曰沅水，一曰無水，明無水，實沅水之上流，並可統名之曰沅水。此四證也。常璩《華陽國志》云：『楚頃襄王時，遣莊蹻伐夜郎。軍至且蘭，楫船於岸而步戰。既滅夜郎，以且蘭有楫船牂牁處，乃改其名爲牂牁。』夫登岸步戰，必水道不能通舟，故須楫船於此。今無水至鎮遠以上即劣不容舟，川行至此，必須登陸。此五證也。又《地理志》『故且蘭』下，引應劭曰：『故且蘭，侯邑也。』而《西南夷傳》云：『中郎將郭昌衛廣引兵還，行誅隔滇道者且蘭，斬首數萬，遂平南夷爲牂牁郡。』今鎮遠郡實爲人滇要道，則且蘭侯故邑，當在鎮遠無疑。此六證也。凡此諸證，皆可以推廣蔡君之說，是以略述焉。他若《水經》以無水爲旁溝水，及《晉書·地理志》故且蘭有沅水，尚當細考。今古之異名及川塗之通塞以附於蔡君此志之後，俾後之撰方志者有所據焉。

時乾隆五十七年，歲在壬子小除前一日。賜進士及第、文淵閣侍直翰林院編修充國史館纂修官、石經收掌及詳覆官、提督貴州學政、壬子科順天鄉試同考官加一級紀錄四次 陽湖洪亮吉序

## 序（四）

昔人謂作史莫難於作志，而作地志爲尤難；余謂作地志莫難於黔志，而作黔之郡志爲尤難。何者？黔省開闢較遲，文獻闕略，欲有著述，勉所徵據。故《通志》至明嘉靖間，始經督學謝公創修，其後，中丞劉公暨江公相繼修之，而其書均失傳，惟青螺郭公《黔志》僅有存者。

入國朝以來，一修於康熙三十一年，再修於乾隆六年，以次增詳，可稱完善。至各府志則鮮有修之者，考《通志·藝文》，惟載前明思南、黎平二郡志序，今皆無其書，其他則並無其文矣。豈果無一可紀歟？抑亦徵考之維艱？而司土者之未從經意也。夫省志貴簡，而郡志貴詳，省志所不及載，賴郡志以補之，故郡志之宜亟修，與省志等。矧鎮遠爲全黔門戶，險要冠於諸郡，近又增以台拱、清江、天柱諸屬，幅員益廣，事蹟彌多。

而凡聖朝之威德遐敷，疆域之沿革無定，民風士習之蒸蒸日上，皆非舊籍所及載，尤不可不勤加採輯，以期有以信今而傳後。乃郡志自前明成化、萬曆間，郡守周公瑛、張公守讓先後創修，今僅存其序文、跋語，而其籍不可考。嗣此百餘年來，纂述闕聞，久將益加散軼，無以爲採風之獻，所關豈淺鮮哉！余兩次奉命來黔，三經其地，初入境，即聞太守玉沙蔡公有創修郡志之舉，心甚韙之。今志成而請序於余。余觀其搜採精勤，敘載明備，誠輿記之良規，巖疆之要冊也。昔李吉甫作《元和郡國志》，謂執此可以善治。然則披是錄也，其有據地志而考循吏以爲作史之資者乎！余尤願與太守共勉之。

欽命貴州等處承宣布政使司布政使加三級紀錄十次 萬 寧撰

## 序（五）

蓋聞車書一統，羅甸紀康濟之仁；志乘千言，邊徼述化成之義。區二路、十二部之疆域，王會可圖；更八番、十  
八衛之職官，專藩有制。黔稱荒服，苗有土風。第沅水通莊蹻之兵，夜郎王不傳民物；健爲肇唐蒙之使，牂柯守莫辯  
山川。烏江、白水之歌，無關治術；瑞穀、嘉禾之說，幾類叢談。抑知椎髻卉裳，似豳風之人繪；蘆笙銅鼓，六俗當之  
堪書。山有傳而無須益記，水可考而不藉桑經。全黔不乏搜羅一郡，寧無採葺，惟增修不踈珥筆，斯纂舊堪勒成書。  
余以今歲陳臬黔南，即於秋仲先臨澧水，維茲鎮郡著有成編。領縣治者三，分郡符者二，星分軫翼，地接荆梁。虎踞  
城雄，誠楚滇之鎖鑰；龍盤峰峻，洵粵蜀之屏藩。黔中郡、武陵郡代易新名；鎮遠衛、偏橋衛，今存故址。阻五溪而  
控六詔，連百粵而距三巴。清浪，蕉溪，關倚山而戟立；迎僊，祝聖橋，臨水而虹飛。葉艇停篙，溪迴灘淺；筓輿需  
絳，路陡坡高。既深稽川梁因創之原，尤細參城郭廢興之蹟。爾其水陸交衝，人多負販，商賈輻輳，貨可經營。驄轡  
言旋，載黔雨滇風而往；舟橈戾止，溯江沱漢廣而來。地勢狹而路不岐，物產稀而民猶古。石屏山峭，秀逸二仙、五  
老之奇；鎮陽江清，流分邛水、石潭之派。霧散大小瀑布，香飄上下蓮池。紫皇閣前，藤蘿掩映；吉祥寺裏，竹柏交  
橫。洞廠於東巖華巖，中藏羅漢；屋列以石廠石柱，戶鎖煙霞。溪別松梅，楚水至瑯川而盡；岑分鰲麓，黔山自施秉  
而多。香一柱而雲起爐巖，花五色而霞生筆岫。豈巖嶺未垂禹貢，遂少嘉名；溪源未志鄺元，竟無勝蹟。自古在昔，  
早記登臨，我來自東，曾經遊覽，而且徵文不忘夫考獻，人傑更念夫地靈。諸葛洞斷碣苔封，地志漢賢之舊事；忠果  
祠石碑字古，人懷忠盡之遺型。陳、楊以風雅著名，孫、龔以從容盡節。土兵協剿，何司馬威震洞蠻；絳帳橫開，陳  
廣文化行紳士。走泗城而棄宣慰，孝行堪稱；詩自樂而金莫污，孤標誰繼？松筠柏節，烈女清操；藥竈藤牀，高真羽  
化。此皆忠孝廉節，無難稽古而證今；釋道仙流，自可闕疑而存信。若夫漢夷雜處，苗獮各殊。山下狝兜，肩負海巴  
蠻繭；水中狝狍，身攜竹簟漁籠。男計口而耕，女度身而織，犴獷之嗜好不同，綰髮以長簪，垂耳以大環，黑獐之彰  
施迥異。無鹽無絮，溪洞夷民；事訪事樵，下游蠻婦。是太史陳風之可採，爲職方記事之無遺，然後知貴州爲四省  
腹內之區，而鎮郡尤全黔咽喉之地也。

我朝治洽頑苗，百蠻咸登衽席；恩敷南土，九股不肆兇殘。摩義漸仁，久遍淳風於巴濮；禮陶樂淑，尤先入境之  
澌陽。茲者太守留心掌故，不厭旁搜；多士刻意簡篇，雅能採擇。城市園廛之內，損故益新，悉源源而有本；山林品  
物之間，刪繁就簡，俱井井而有條。由是展卷以興懷，知沐熙朝化育；觀風而扼要，胥仰盛世宏圖。爰作發凡、起例

之言，不侈摛藻、揚芳之論。鐫梨告竣，因已成書而乞言；載筆雖繁，敢以側聞而略序。

欽命貴州等處提刑按察使司按察使兼管驛傳事加三級紀錄八次 黃城姜開陽撰

### 『鎮遠府志』敘

《白虎通》云：『夷者，蹲也，或曰抵也。言仁而好生，萬物抵地而出，故天性柔順，易以道御。』


我朝文教覃敷，海隅日出，罔不率俾。凡外埜窮郊，若山川、若形勝、若戶口、若賦役以至土會之宜、物產之細，彙入一統志者，靡不綱舉目張，考訂賅洽，匪以侈遠略也。荀卿子有言：『欲觀聖王之道，則於其燦然者矣。』典章經制，用以昭茲來許，且欲使有土之責者覽其風土，奉其政事，體認觀摩，以不迷於所往。

戊申春，予以眉州牧擢守鎮郡。郡故僻在南隅，宋、元以來，尚屬蕃部，洎明永樂十一年革兩宣慰，析置鎮遠，民俗丕變，蒸蒸日上，及我國家重熙累洽，威德遐敷，加以各上憲之宣揚德意，雖僻處邊隅，亦能洗濯日新。如鎮遠，其土瘠，其人樸，其俗儉，然土瘠則善心易生，人樸、俗儉，則教化易行。守土者能撫而教之，庶幾與畿輔庶績維新之政遙相輝映也。顧環徵掌故，僉云『無之』，不將遺一郡缺典歟！爰聘龔孝廉暨學博陳子名，猶子法賢，博採群搜，得《龔氏紀略》數篇，更加諮訪，乃於其闕者補之，軼者增之，凡百有五旬，而規模始具。夫志爲史之一體，而修史之難，無過於志，江淹嘗言之矣。今以一郡之掌故，參稽互察，別類分門，亦豈有當於詳核。然而，屏山矗矗，澗水洋洋，名勝昭然。瞭如指掌。又況學校選舉之典，忠孝節義之行，政治之興革，風俗之改易，縷晰之條分，未必不開卷而有益也。後之君子，倘鑒厥初心，矜其固陋，或更芟繁蕪而增缺略，於以奉揚聖天子一道同風之盛，則斯志之作，蓋可少乎哉！

時乾隆五十六年仲冬月，誥授朝議大夫知貴州鎮遠府事

荆南蔡宗建撰





青龍洞古建群 ▲




紫陽書院一角 ▲




青龍洞山門 ▲



景夜城古 1  
樓戲宮壽萬 2  
道巷古 3  
宮後天 4



|   |   |   |
|---|---|---|
| 1 |   |   |
| 2 | 3 | 4 |





- 1 古城牆
- 2 石屏巨鎮
- 3 古碼頭
- 4 青龍洞古建筑群碑碣
- 5 祝聖橋
- 6 萬壽宮山門
- 7 四官殿

